

玉燭寶典

玉燭寶典卷第六

六月季夏第六

礼月令曰季夏之月日在柳昏火中且奎中

鄭玄曰季夏者

日月會於鶉火而斗建未之辰律中林鍾季夏氣至則林鍾之律應也

溫風始至

蟋蟀居壁

今案尔雅曰蟋蟀居壁劉歆注云謂蛸也孫炎云梁國謂之曰蟋蟀

曰蓋音切音義云或作蓋方言曰蛸蛸楚謂之蟋蟀或謂之蓋南楚之間謂之王孫詩魚虫蛸云蟋蟀或

似蝗而小云黑有光澤如漆有翅角一名蓋一名蛸蛸幽州人謂之蟋蟀

蛸謂之蟋蟀鷹乃學習鷹乃學習謂鷹搏也

捷為舍人注云螢火名即蛸夜飛有火虫也李巡云

螢火夜飛腹下如火故曰即蛸先詩傳云蛸蛸

熒火也潘岳熒火賦曰熠々耀々若升英天子居明
之始訖飄々頻若流金之在沙矣也

堂右个明堂右个南堂西偏命漁師伐蛟取鼉登龜取元龜者

甲類也秋乃効成周禮曰秋獻鼉魚又曰凡取鼉

用秋時是夏之秋也作月令者以為此秋擯周之時

也周之八月夏之六月也目書於此誤也蛟言伐者

以其有兵衛也龜言登者尊之也鼉言取者物賤

也鼉皮可以冒鼓王肅曰蛟大而難制故曰伐鼉靈

而洽尊故曰外鼉皮可以為鼓鼉肉可食得之易故

曰取官秋獻鼉於秋命澤人納材葦蒲葦之屬此時

當獻故於末夏而命命澤人納材葦柔刃可取作器

物命四監大合百縣之秩葛以養犧牲令民無不成出

其力四監主山林川澤之官也百縣縣遂之屬地有

之蓄今月令以供皇天上帝名山大川四方

之神以祀宗廟社稷之靈以為人祈福皇天

北辰耀魄寶冬至所祭於圓土也上帝大藏五帝也命婦官漆采黼黻

文章必以法故毋或差忒婦官漆人也黑采五色也

黃倉赤莫不質良毋敢詐為質正良善以給

郊廟祭祀之服以為旗章以別貴賤等

給之度樹木方盛乃命虞人入山行木毋

有斬伐為其未勁級也不可以興土功不可以合諸

侯不可以起兵動衆土將用事氣以靜毋舉大事

以搖養氣大事興後役以有為毋發令而待以妨神

農之事

癸令而待謂出徭役之令以豫驚民也驚則心動是害土神之氣也土神稱

曰神農者以其主於稼穡水潦盛昌神農將持功舉大

事則有天殃

言土以受天雨澤安靜養物為功動之則致災害

土潤溽

暑

潤溽謂塗濕也

大雨時行燒薶行水利以殺

草如以熱湯

薶謂迫地艾草此謂欲稼萊地先薶其草乾燒之至此月大雨

流水潦畜於其中則草死不復生而地美可稼之也

可以糞田疇可以美

土強

土潤溽膏澤易行也糞美互文耳土強強剛之地

季夏行春令則

穀實鮮落國多風災

辰之氣乘之也未屬其辰又在巽位二氣相亂為害

民乃遷徙

象風移物

行秋令則丘隰水潦

成之氣乘之也

九月宿直奎々為溝々漬々禾稼不熟傷於乃多女

災含任之行冬令則風寒不時申之氣乘雁鳥集登鵲

得疾病之氣也今案詩小雅曰鵲被飛隼鳥獸疏云

隼鵲也齊人謂之鵲正義謂題肩或謂鴈鵲春化為

布穀此之屬數種皆為隼也韓詩章句曰隼鵲也孝

經援神契曰立秋鴈擊雀舊說即雀是鴈又案周易

射隼高墉似非小鳥國語魯語曰有隼集于陳侯之

庭而死韋昭注云隼擊鳥今之鵲也漢書鄒陽諫吳

王曰鵲鳥黑百不如一鵲王康注鵲大鵲也左思蜀

都賦曰鵲鵲鵲其陰注云鵲形如鵲韻集曰鵲鵲也

爾雅鴈隼鵲其飛也翬諸家注皆云翬疾也不釋隼

是何鳥應璩西符賦曰倉隼煩翼而懸據是亦以鴈

為隼傳玄鴈兔賦云我之元長曰元鵲次曰神鵲吾

曰升鴈亦好斯武古樂府云鴈取鵲之元然則鴈鳥

同有隼名詩疏所論還據鵲等數種物而四鄙入保

為語足兼小大韓本或作隼旁鳥亦通

象鳥爵

之走竄蔡雍季夏章句曰今歷季夏小暑節日在柳

三度昏明中星去日百一十七度尾一度中而昏奎

二度中而明溫風至溫者氣之在風者也小暑之候

蟋蟀居壁蟋蟀虫名斯螽莎雞之類世謂之精蛎壁

者螻乳之處也其類乳於中深埋其耶是月螻者始

壯羽成尚居其室壁而未出也不言穴母不居獨以

藏子詩云五月斯螽動股六月莎雞振羽七月在野

八月在宇九月在戶十月蟋蟀入我床下言五月始

能動是六月羽翼成七月乃出壁在野八月避寒近

人在屋雷九月就戶十月蟋蟀入我床下而遂蟄以
漸即溫之意也鷹乃學習鷹以中春化為鳩中夏陰
氣起而復為鷹文不見變而之不仁故不記也學習
者鷹鷂擊也於是宜羅之物出者不禁腐草
為蛙：虫名也世謂之馬蛙盛暑所蒸陰氣所
化故朽腐之物變而成虫也不言化不復為腐
草也天子居明堂右：个：未上堂也命婦官
漆采絲帛之功既訖藍蒨之屬亦成故以漆色也
右章句為釋月令

詩國風曰六月沙雞振羽毛傳曰沙雞羽成振訊之今案魚出疏云沙

雞如蝗而班色翅數重下翅正赤或謂之天雞六月

中飛而振羽索作声幽州謂之蒲錯韓詩章句曰沙

雞昆鷄也沙莎声相近故二字並存也又曰六月食鬱及與

屬與與與今案尔雅唐棣移嘗来反又嘗梨郭璞注

云今白移也似白楊樹江東呼為夫移又曰常棣

郭云今閔西有棣樹子似櫻桃可啖蒼頡篇鬱車

下李也別有棣移二字今似異木詩邵南何彼

穠矣唐棣之華毛傳云唐棣移也詩小雅常棣之

華常棣之華鄂不韡韡毛傳亦云常棣移也詩草

木疏云唐棣馬季長云與李也一名鬱棣今人或

謂之鬱詩云食鬱及與或謂之車下李所在山

澤皆有其華有赤有白高者不遇四尺子六月中

熟大如小李正未有甜有酸率多淡少有美者復

似一類名有不同或當家蘭及詩小雅出車曰

山澤所生小異耳之也

玉燭寶典卷六

昔我往矣黍稷方華鄭氏云黍稷方華朔方之地六月時云

詩小雅四月日六月徂暑毛傳云且徂往也六月火星中

暑盛而往矣也周書時訓曰小暑之日溫風至又五

日蟋蟀居壁又五日鷹乃學習溫風不

至國無完教蟋蟀不居壁急垣之暴

鷹不學習不備我盜大暑之日腐草

為蛙又五日土潤溽暑又五日大雨時

行草不為蛙穀實鮮落土潤不暑急應

之罰雨不時行國無恩澤礼夏小正曰六

月初昏斗枋正在上煮桃也者把桃把也者山挑也煮以為豆實鷹鳥始執而

言之何諱敘之辭

易通卦驗曰小暑雲五色出伯勞鳴蝦

蟆無声

鄭玄曰雲五色出蓋象雉

暑長二尺四寸四分黑

陰雲出南黃北黑

小暑於離值六二離爻也為南黃耳體巽為黑故北

也大暑雨而溫半夏生暑長三尺四寸陰

雲出南赤北倉

大暑於離在九三九三辰在辰巽氣離為火故南赤巽木故北倉

詩紀歷樞曰未者昧也昧者盛也

宋均曰昧者昧事衆多

之類故曰盛也

尚書考靈曜曰氣在季夏其紀

填星是謂大靜無立一兵一命曰犯

命奪人一畝償以千里殺人不當償以

長子

鄭玄曰用兵所奪土地所殺民人也

不可起土功是謂觸

天犯地之常滅德之光可以居正殿安

慶舉有道之人與之慮國家以順盛時

利以布大德脩禮義不可以行武事可以

大赦罪人其礼衣黃是謂順陰陽奉天

之常而主德中央而是則填星得度地

無灾近者視遠者来矣

春秋元命苞曰衰於未者昧也

宋均曰昧朦昧

明少律中林鍾林鍾者引入陰

林猶禁也禁林而肉之也

爾雅曰六月為旦

李巡曰六月陰氣將盛万物將衰故曰旦時也孫炎曰旦

之言麓物產大

邵子曰季夏取桑柘之火

中央土既寄王四季又位在未

下故附此月以季夏受名章等一時之首也

史記律書曰林鍾言万

物訖死氣林林然又曰未者言万物皆成有

滋味也淮南子時則曰季夏之月招搖指

未天子衣苑黃中宮御女黃色衣黃采其

兵劒

高誘曰季夏中央也劒有兩刃喻無所主一日喻無所不主皆主人其意

牛六月官少內其樹樺

六月稼穡成熟故官少內也樺說未聞白虎

通曰六月律謂之林鍾何林者衆也万物

成就種類衆多風土記曰濯林盪川長風

扇暑注云時斗建未到月節常有大雨

名為濯枝又東南常風六日止俗名曰

黃雀長風於是時海魚寢為黃雀鳥也

崔寔四民月令曰六月初伏薦麥瓜于祖稱

齊饌掃滌如薦麥魚是月也趣私耜毋失

時命紅女織縑縛詩八月載績織也云周八月今

屬也今案禮曰賄用束紵鄭注云紵絲為之今之縛說文曰縛白鮮支也從絲專聲也

是月六日可種葵中伏後可種冬葵可種蕪菁

冬藍小蒜別大慈心可燒灰染青紺古暗及今案論

語鄉黨曰君子不以紺緌飾紅紫不以為褻服鄭注云紺緌紫者玄類紅者纁類紺緌石漆紅紫

草漆說文曰紺帛漆青楊赤色從絲甘聲也諸雜色大暑中後可畜瓠

藏瓜收芥子尽七月是月廿日可搗擇小麥

豈今案方言曰磴謂之磴郭璞注云即摩也磴音石錯確天字苑曰婢磨也魯班作五磴反也

之至廿八日燂寢卧之至七月七日當以作麴

起六反凡卧寢之下十日不能十日六日七日亦可名躬親潔靜以供禋

祀禋一歲之用隨家豐約多少無常可羅

大豆糴穡小麥收蠲縛中央土

禮月今日中央土鄭方曰大然其日戊巳戊之言茂也巳之言

起也日之行四時之間從黃道月為之佐至此其帝

黃帝其神后土此黃精之君土官之臣黃帝軒轅氏后土亦顓頊氏之子曰蓂

為土其蟲倮象物露見不隱蔽也其音宮聲始於

官八十一屬土者以其律中黃鍾之宮黃鍾之宮律最長者也十二律轉相生

最獨君之象也其數五五聲具則終於十二為季夏之氣至則黃鍾之律應也土生數五成數十而

其味甘其臭香其祀中霤祭先心

中霤猶中室也

土主中央而神在室古者複穴是以名室為霤云祀之先祭心者五藏之次心次肺至此心為尊也

天子居大廟大室乘大路駕黃駟載黃

旂衣黃衣服黃玉食稷與牛其器圓以閔

大廟大室中央室也大路殷路也車如殷路之制而飾之以黃纓五穀之長牛土畜也器圓者象土周而於

四時也閔讀如統謂中寬象土含物也

蔡雍中央章句曰中央

土央者方也外曰方內曰央土者純陰之體五

行別名也水火金木各主一時而統四方土

行之主位在中央而寄四季春木用事

終土以穀雨前三月受之於辰季夏之
 日火土交際之時也火生土、生金季夏
 之末在金火之間土之三位故土令次季夏
 也其虫倮天地之性人為貴故不與鱗羽
 列於五方也今案礼本命曰倮之虫三百六十而聖人為之長也天文中
 官大角軒轅皆土精故大角生麒麟軒轅
 生麟是以天五獸麒麟在中然則麒麟
 與人合德獸之尊者也黃鍾之宮清宮也
 土音也黃鍾至十一月土在林鍾夷則之

間各有分主不可假借故引黃鐘之
清宮以為土律其鐘半黃鐘之大其管半
黃鐘之長四寸五分天子居大廟大室大
庑者明堂總名大室九室之大者也
位在正中其大与四方堂同食麥稷與
牛麥以秋種夏熟歷四時脩陰陽穀之
貴者器園以奔應規日園小口日奔
土位在中稟受八方無所親疏方則有近
有遠故園也厚德載物容受苞藏故奔也

不言物類草木昆虫之候事在四季之月也

政令所行亦如之不言迎之於郊無立節故

又不見其礼迎於中郊去色五里以禮黃

帝后土之神玉用黃琮周官大宗伯職曰以黃琮礼地注去琮方

象地音緝冬反也牲幣各放其色

詩推度灾曰戊巳正居魁中為黃地宋均曰為黃地

者著中央為上交也詩紀歷摠曰戊者質也陰質陽

柔變剛也宋均曰質男也已者紀也陰陽造化臣子

成道紀琮詩含神務曰其中黃帝坐神

名含樞紐宗均曰含樞紐也詩含神務日鄭代

已之地也位在中宮而治四方泰連相錯

八風氣通樂智曜嘉曰用声和樂於中

郊為黃帝之氣后土之音歌黃裳後容

致和散靈

宋均曰黃裳後容樂篇也散靈使暢於四水

樂叶晷微日土所以無位在於四季者地

之別名土於五行最尊故不自居部春秋

元命苞曰土無位而道在太一不與化

人主不任部也春秋元命苞曰其日代

者茂也已者抑誣而起

宗均曰此陽物
盛抑誣者

起故曰以
為日名焉

其音宮、者中也精明

以宮

八十一系為音
故取著明之也

其味甘、者食嘗

土吐萬物
不以為勞

性甘嘗之
故其味甘

白帟通曰土味所以甘何中央者

和也故甘由五味以甘為至其臭香何中

央者土主養故其臭香正說曰案爾雅

跟馬蜨音義云銀音閑蜨音棧郭璞

注云馬蠲也俗呼馬蠲又案莊子蛇謂

蛇曰吾以衆足行而不及子之無足何也

又曰憂怜蛭司馬彪注云馬蛭也皆取足
多之義說文曰蠲也從虫從目益声仍引
月令曰腐草為蠲易說腐草化為噬
鄭注舊說草為蜴今言噬其物異名繫
梁傳云噬不容粒注云噬喉噬方言音惡
介反字林音一鬲反韻集曰噬咽也並從
咽而解恐非虫類似取益声還為蠲之
別體方言云馬蛭音弦北燕謂之蛆蠲其
大者謂之馬蚰音逐郭注今關西云博

物志馬蛇一名百足中斷頭尾各異行而
志字林螻馬蟻音閑蠲馬蠲工五反蛇
馬蛇下千反是則螻蛇蠲蠲物是一虫隨
其鄉俗所名或曰語声訛謬故為異字
月令本皆作腐草為螢即今之螢火
呂氏春秋淮南子時則並云腐草為
蜋高誘注云蜋馬蛇也幽冀謂之秦渠
爾雅發皇蜋音瓶郭注云甲虫也如帛
豆綠色今江東呼黃蜋又非蛇矣誘云

馬蛇者當別有所據周書時訓及蔡
雍章句乃作腐草為蛙蔡云蛙虫
名世謂之馬蛙盛暑所蒸陰氣所化故朽
腐之物變而成虫即上所稱蝦蟇也其水
虫者正體應為鼃字俗呼青蛙或與此
同字故字詁云鼃今蛙注蝦也然理不
相關當是鼃與𧈧𧈧蝦蟇等言声相近亦
可古字假借為蛙今世久雨爛草濕地多
生馬蛇虫即古化腐之驗𧈧以六月始出

亦言腐草所為易說既兼熒螽兩字或可
二虫俱尔束哲發矇記又云腐木為熒
火注云熒火生爛木草木雖異腐義則
同附說曰史記秦德公始為伏祠孟康注云
六月伏日是也漢書東方朔為郎武帝嘗
以伏日詔賜諸郎完朔獨拔劔割完謂其同
官伏日當早歸遺細君即懷完去上問朔曰歸
遺細君又何仁也陳思王大暑賦序云季
夏三伏潘岳詩云初伏啓新節蓋言初伏中

伏後伏為三伏曆忌釋云伏者何也金氣伏藏之
日也四時代謝皆以相生立春木代水水生木
立夏火代木生火立冬水代金生水至
於立秋以金代火金畏於火故至庚日必伏
庚者金故也程曉詩云平生三伏時道路
無行車閉門避暑卧出入不相過後似不許
遊歷老子云靜勝暑當為此不行更無餘
忌張良家每伏膺祠黃石公漢書楊
惲亦言歲時伏膺則以為節矣世說部嘉

賓公伏之曰詣謝公雖復當風交扇猶汗

流離謝著故綃裙進熟白粥又其事也荆

楚記云伏日並作湯餅名為辟惡案

束皙餅賦云玄冬猛寒清晨之會涕凍

鼻中霜成中外充虛解戰湯餅為最然

則此非其時當以麥熟嘗新曰言辟惡耳今世人多

下水內別取餅薑末和此月熟盛古禮則有

頒冰周官凌人職云春始治鑑凡內外

饗食之膳鑑焉祭祀供冰鑑鄭玄注云鑑

如飢大口以盛水置食物于中以禦溫氣
鑑音胡監反于寶注云鑑金器盛飲食物
以置冰室使不汝餒也案尚書禹貢揚州
貢金三品孔安國注云金銀銅也春秋傳
鄭伯始朝于楚子賜之金既而悔之與
之盟日無以鑄兵服虔注云楚金利故不
欲令以鑄兵又曰故以鑄三鍾注云古者以
銅為兵荆楚記或沈飲食于井亦謂之
鑑

戶監

反也

魏文帝與吳質書云浮甘葢於

清泉沈朱李於寒水亦有水內加冰者又有陰冷自受冰名劉公幹大暑賦曰實冰漿於玉醺庾懣冰井賦曰仰瞻重構俯臨陰穴餘寒嚴悴淒若霜雪孫楚井賦云沉黃李浮朱奈夏侯湛梁田賦曰入菓林造瓜田落蒂離母之漬寒泉古樂府云後園鑿井銀作床金瓶素綆汲寒漿吳歌云六月節三伏熱如火銅瓶盛蜜漿非無擬驗此月之時必有時雨穀梁傳云

六月雨愜雨也月令云大雨時行風土記
云濯枝雨猶是一義

玉燭寶典卷第六

六月

貞和四年八月八日

玉燭寶典卷第七

七月孟秋第七

禮月今日孟秋之月日在翼昏建星中且

畢中

鄭玄曰孟秋者日月會於
鸛尾而斗建中之辰也

其日庚辛

庚之言更

也辛之言新也日之行秋而後白道成熟萬物
月為之佐萬物皆肅然改更秀實新成

其帝

少暉其神蓐收

此白精之君金官之曰少暉金
天氏也蓐收少暉氏之子曰該

為金官
者也其蟲毛

象物應涼氣孤而備寒
狐貉之屬生旃毛也

其音商

三分徵益一以生商
屬金者以其濁次宮居之象也

律中夷則

孟秋氣
至則夷

則之律應高誘曰太陽氣表大陰
氣發萬物彫傷應法成性也

其數九

金生數
四成數

九俎言九者亦舉其成也其味辛其臭腥金之臭味也凡辛腥者皆屬鳥

其祀門祭先肝秋陰氣出祀之於門外陰也祀先祭肝者秋為陰中於藏直肝為

尊之也祀門之礼北面設主于門左矩乃制肝及肺心為俎奠于主南又設盛于俎東其他皆如祭寗之

礼涼風至白露降寒蟬鳴鷹乃祭鳥用始

行戮寒蟬寒蜩謂蜺也鷹祭鳥者將食之示有先也既祭之後其致鳥不必盡食若人君行戎

戮之而已今紫尔正蜺寒蜩郭璞注云寒蜩也似蟬而青赤方音曰蜺謂之寒蜩也郭璞云紫尔正以蜺為寒蜩月令亦曰寒蟬鳴知寒非聞也此

謂蟬名通出尔正而多駁錯未可詳據蟬音應陸雲蟬賦曰昔人稱雞有五德而作者賦焉至於寒蟬才

齊其義顯上有疑則其文也含氣飲露則其清也黍稷不食則其康也虞不巢居則其儉也應候守常則

其信也其賦曰雖以全采圖哉嘉客又曰綴以主冕

增成首

天子居愬章左个乘戎路駕白駱載

白旂衣白衣服白玉食麻與犬其器廉以深

愬章左个大寢西堂南偏也戎路兵車也制如周之

草路而飾之以白白馬黑髦尾曰駱麻實有文理屬

金犬金畜也器廉以深象金傷害物入藏也高誘曰

西方總成万物章明之故曰愬章之也

是月也以立秋先立秋三日太史謁之天子

曰其日立秋盛德在金天子乃齋立秋之日

天子親帥三公九卿諸侯大夫以迎秋於西

郊還及賞軍帥武人於朝

近秋者祭白帝招拒於西郊之兆也

軍帥諸將也武人謂天子乃命將帥選士屬

環人之屬有勇力也

兵簡練然後專任有功以任不義任之言

詰誅暴慢以明好惡順彼遠方詰謂問其罪窮治之

也順猶命有司循法制繕囹圄具桎梏禁止罪窮治之

姦慎耶罪勢搏執慎秋氣政尚嚴者也命大理瞻傷察創

視折理治獄官也有虞氏曰士夏曰大理周曰大司寇創之淺者曰傷也審斷決獄訟必

端平端猶正也戮有罪嚴斷刑天地始肅不可以羸肅

急之言也羸猶解也農乃登穀天子嘗新先薦寢廟

黍稷之屬於是始熟命百官始收斂順秋氣收斂物完隄防護

壅塞以脩水潦脩者脩八月也八月宿直畢也脩宮室坏

薄來久也墻垣補城郭象秋收斂毋以封諸侯立

大宮毋以割地行大使出大幣古者於幣出田邑此其月

也而禁封諸侯割地失其義矣淮南子時則此下云行是令涼風至三句也

孟秋行冬令則陰氣大勝亥之氣介蟲敗

介甲也甲蟲屬冬敗蟄者蟄蟹之屬也今案國語越語曰蟄蟹不遺種其可乎韋昭注云蟹食蟄耳也

戎兵乃耒十月宿值營室營室之氣為害也營室主武事也行春令則其

國乃旱寅之氣乘之也陽氣復還五穀無實陽氣

能生不能成也行夏令則國多火災巳之氣寒熱不

節民多疝疾疝疾寒熱所為也今蔡邕孟秋章

句日今歷益秋立秋節日在張十二度昏中

星去日百一十三度箕九度中而明其數九洪

晉書九度中

氾經曰四日西方有金之四有土之五故其數

九白露降者降液也醴為露凝為霜春夏清

冬濁而白天子居總章左介西日總章合也

章商也和金氣之意也左介申上室命理

瞻傷察創視折審斷決皮曰傷矣曰創骨曰

折骨矣皆絕曰斷言民間辨而不死者當以傷

創折斷深淺大小正其罪之輕重我有罪者

刑而辱之也鞭扑以上皆戮傳曰豪之蒐賈季

戮史駢其後史駢之人欲報賈氏駢曰不可

漢律吏歐人殷錢曰戮辱賊強然則戮生父

者民多疫厲々惡鬼也氣病曰疫鬼病曰厲五

行之性以所畏為鬼傳曰鬼有所歸乃不為厲

古章句為釋月令禮鄉飲酒義曰西方者秋

々之為言愁々之以時察守義者鄭玄曰愁讀為擎々殷察

猶察々嚴致之兒春秋尤命苞曰秋愁也物愁而也春秋繁

露曰秋之為言猶湫也湫者憂悲之狀也尸子

曰秋肅也。萬物莫不肅敬。前漢書曰：秋穀也。如

曰穀音涿郡道縣也。物穀穀而成熟也。說文曰：地及物為

秋。後禾大聲也。釋名曰：秋緇也。緇，迫品物使

時成也。右惣穀。秋名皇覽逸禮曰：秋則衣佩

白玉，乘白路，駕白駱，載白旗，以迎秋于西郊。其

祭先禮，与物居明堂右廟，啓西戶。詩紀歷：樞曰庚者

更也。陰代陽也。辛者新也。萬物成熟始嘗新也。宋均曰：新

既平螫且兼。詩含神勢曰：其面白帝，望神右拓。拒

物新成者也。宋均曰：為拓舉也。和法尚書考靈曜曰：氣在於

秋其紀太白是謂大武用時治兵是謂得功

非時治兵其令不昌

鄭玄曰出曰治兵入曰振旅也

禁民無得殺

消金銅是謂犯陰之則當秋之時使太白不明

秋以起士功与氣俱彊致猛獸事欲急

猛獸熊羆以之屬者也

順秋金衣白之時而是則太白出入當五穀成熟

民人昌矣春秋元命苞曰其日庚辛者物色更

辛者陰治成

宋均曰於是物更而成故因以為日名之也

時為秋者物

愁

猶道也物至此而道契

名為西方々々者遷方者旁也

物已

成契可遷移方者言物雖遷不離其旁側也

其帝少暉者少皞

物至此不斂者

少故以歸其帝名之也其神尊收者紉收也物結紉而彊也彊故七十二

以次其味辛々者陰螫人持度自辛以固精

陽主生陰致戮必々施毒故其尚為味也尚行毒法以自辛則人无敢犯之者志得辛故所行既緊且精

審者山海經海外西經曰西方屬收左耳有蛇乘

雨龍耶璫曰金神也人面執鉞爾雅曰秋為旱天李

曰秋万物成變皆有文章旱文也孫炎曰秋天成物使有文以故曰旱天耶璫曰旱猶慙万物彫落音義

日詩傳云旱閔也秋為白藏孫炎曰秋氣白而收藏也秋為收成

尚書大傳曰西方者何也鮮方或曰鮮方者

評々之方也評々者始入之狠始入則何以謂

之秋者愁也愁者也物方愁而入也故曰西

方者秋也鄭玄曰秋白虎通曰其音商者彊

白虎通曰金味所以辛何西方者致成万物

辛者所以致傷之猶五味乃萎地死其臭

腥何西方金也万物成熟始傷落故其臭

腥右惣釋秋時詩豳風曰七月流火毛傳曰

流下鄭箋云大火寒暑之候火星中而寒暑退也

春秋傳曰始致而嘗服虔曰謂七月陰氣始致

祭之周書時訓曰立秋之日涼風至又五日

白露降又五日寒蜩鳴涼風不至國無嚴政
白露不降民多疾病寒蜩不鳴人臣力爭
震暑之日鷹乃祭鳥又五日天地始肅又
五日禾乃登鷹不祭鳥師旅無功天地不肅
君臣乃農不登鰥鰥氣為災禮夏小正曰
七月秀萑葦未秀則不為萑葦秀然後為
萑葦故先言秀狸子肇肆肇始也肆逐
也言始逐或曰肆敘也遑遑生萍遑下露也
有遑然後有漙有漙而後有萍草也萍秀萍

也者馬鬣漢案戶漢天漢也案戶

者直戶也言正南北也寒蟬鳴也者蜩音螗

也今案方言螗蟴或謂之蜩音斯似今古字孫楚蟬賦曰曾不旬時而容落固亦輕生之速矣字雖異

正是此虫之初昏織女正東鄉時有霖雨灌茶灌

聚也茶荏葦之秀也為擗褚之也荏未秀為

荑葦未秀為蘆斗枋懸在下則且易通卦

驗曰坤西南也立秋晡時黃氣出直坤此正

氣出右萬物半死氣出左地動鄭玄曰立秋之

震暑之地以為地之主養物而氣見大暑之地旱故

物多死地氣失位則動者之謂也

易通卦驗曰立秋涼風至白露下帟唼腐草

化為蜃蜻蛚鳴鄭玄曰帟唼始盛秋氣有猛意舊說單為蜃今言唼其物異名蜻蛚

蟋蟀也暑長四尺三寸六分濁陰雲出上如赤繒

列下黃蘗立秋於離值九四九辰在五入五體異故上如赤繒列齊平立秋值黃色故名

黃蘗者之震暑雨水寒蟬鳴雨水多而寒也暑長尺三寸二分赤

陰雲出南黃北黑震暑於離值六五五辰在卯得震氣震為玄黃故南黃也

詩推度灾曰金立於鴻雁陰氣斂草木改

宋均曰金立也詩紀歷摠曰申者伸也宋均曰陽氣表

秋金用事也仲陰氣樂叶圖徵曰川立秋昆虫首穴欲蟄宋均曰首

始也 春秋无命苞曰上生金故少陰見於

申宋均曰積土成丘申者吞也吞陽所生律中

夷則夷則者易其法易法者陽性春秋秀

異郵曰立秋趣織鳴宋均曰趣織蟋蟀也立

孝經援神契曰立秋鷹擊爵國語楚語曰

夫邊境者國之尾也

譬之如牛馬處暑之既至韋昭曰處暑右七月

蜩蟷之既多而不能掉其尾大曰蜩小曰蟷

也今案說文曰蜩蟷人飛虫也從虫亡聲字林曰蜩

大蚊也音崩蜩蟷耳之也

介雅曰七月為相

李巡曰七月万物動剛大小善惡皆可視而相故曰相也孫炎

曰相獮也物實生皮之也

史記律書歲則言陰氣之賊万

物也淮南子時則曰孟秋之月招搖指申西

宮御女白色衣白采撞白鍾

高誘曰金王西故震西宮也

其兵戈其畜狗七月官庫其樹棟

庫兵府也秋節

愁兵故官庫也樹練實鳳皇所食今碓城旁有練樹實秋熟故其樹練

讀練染之練也

淮南子天文曰秋七月百虫蟄伏靜居閉

戶青女乃出

高誘曰青要女青要女司霜也

以降霜露白帟

通曰七月律謂之夷則何夷者傷則者法也言

万物傷被刑法也續漢禮儀志曰立秋之日自
郊禮畢始揚威武斬牲於郊東門以薦陵
廡其儀乘輿御戎輅白馬朱膺躬執弩射
牲以薦齊太宰令謁者各一人載獲車駟
駟送陵廡還宮遣使者齎束帛以賜武官
武官肄兵習戰陳之儀斬牲之禮名曰鉅
劉陳思王九詠曰乘更風于浮漢渚目牽
牛于眺織女牽牛為夫織女為婦雖為遠偶
歲壹會也
交際于會有期織女牽牛之星名震河之旁七
月七日得一會同也

竹林七賢論曰阮咸字仲容藉兄子也諸阮前

世皆儒學內足於財唯藉一卷棄事好酒而貧舊

俗七月七日法當曝今案方言曰曝暴也秦皇問衣諸

阮度中爛然莫非錦今案釋名曰錦金也作之用

金綈今案漢書音義綈厚繒也重二斤者咸時惣角乃豎長竿樹大布

犢鼻今案前漢書司馬相如自身犢鼻禪注云形似犢鼻因名也於度中曰未能

免俗聊復共尔耳傳玄擬天問曰七月七日牽牛織

女會天河風土記曰夷則應履曲七齊河

鼓禮元吉注云七月份重是其夜洒掃於庭

露施机筵設酒脯時菓散香粉於筵上焚香

為稻祈請於河鼓

今案尔雅河鼓謂之牽牛

織女言此二星

神當會守夜者咸懷私願或云見天漢中

有彗正白氣如地河之波濤而輝々有光

耀五色以此為徵應見者便拜而願乞富乞

壽死子乞子唯得乞一不得兼求見者三年乃

得言之或云頗有受其祚者崔寔四民月

令曰七月四日命治麴室具簿持挺取淨

艾六日饌治五磬磨具七日遂作麴及磨是

日也可合藍九及蜀漆九曝經書及衣皆衣作

乾糶采蔥耳也

蔥耳胡蔥子可作燭今案詩草木疏胡蔥一名趣菜博物志云洛中

有人駢羊入蜀胡菜子着羊毛蜀人種之曰羊負菜

是月也可種薤菁

及芥牧宿大小葱子小蒜胡葱別金藏韭菁刈

芻茨薹麦田收栢實處暑中向秋節浣故製

新作裕薄以備始涼可糶小大豆糶麦收

絲練正說曰詩小雅云岐彼織女終日七

裏雖則七裏不成報章晚彼牽牛不以服箱

此當言星有名無實未論神遊靈應好合

之理古樂府苦々牽牛星皎々河漢女纖々濯
素手札々弄機杼終日不成章泣涕零如
雨河漢清且淺相去詎幾許盈々一水間
脉々不得語蓋止陳離隔都無會期夏小
云初昏織女正東向運轉而已春秋運斗樞
云牽牛神名略緒石氏星經云名天開春
秋佐助期云織女神名牧陰史記天官書
云天帝孫女所出增廣猶非良據王莽之
七日詩序云詠言之次及牛女之事亦烏

識其然否直情人多感遂為之文蔡維惻
初賦云其在遠也若披雲掃漢見織女假譬
而言未知援何時月張華博物志說天河
与海通有人乘查奄至一處有城墪望室
中多織婦見一丈夫牽牛渚次飲之還問嚴
君平客星犯牛斗者其時乃是八月非閏
孟秋未知七夕之驗從何而始唯續齊諧
記成武丁謂其弟曰七月七日織女當渡
河吾向已被名弟問織女何事渡河答曰暫

詣牽牛至今云七日織女嫁牽牛是也
代王傳云文帝自代即位納竇后少小頭
禿不為家人所齒遇七月七日夜人皆看
織女獨不許后出并垂脚井中乃有光照
室為后之瑞也魏晉以後作者非一便為實
錄無復疑似荊楚記云南方家結綵穿七孔
針或金銀鉤石為針設瓜果於中庭以乞
巧有憺子綱其瓜上則以為得淮南子云豐
水十仞金針投之即見其形乃有舊事宋孝

武七夕詩云秋風奈離顏明月照雙心偕歌
有遺調別歎無殘音開度鏡天路餘光可
不臨公風披弱縷迎暉貫玄針則非金又
兼用鐵案論語夫子之言性与天道不
可得聞或當由此典故致闕至如風土所錄
乃有禱祈孔聖人云仁之禱久矣且子夏云
死生有命富貴在天是則循短榮賤分定
已久恐非造次之間所能請謁後之君子覽
者擇焉 附說曰案孟蘭盆經云目連

見其亡母生餓鬼中皮骨連挂目連悲哀
即鉢盛飭往餉其母食未入口化成火灰
遂不得食目連大叫馳還白佛言汝母罪
根深重非汝一人力所奈何當須十方衆僧
威神之力吾今當說救濟之法佛告目連
七月十五日當為七世父母厄難中者具飯百
味五菓盡世甘美以著盆中供養十方大德
佛勅十方衆僧皆為施主家兒願七世父母
行禪定意然後食初受盆時先安佛塔

前衆僧兄願竟便自受食是時目連其母
即於是日得脫一切餓鬼之苦目連白佛
未來世佛弟子行孝順者亦應奉盂蘭盆
供養佛言大善故今世因此廣為花飾乃至
刻木剖竹怙蠅剪綵摸華葉之形極工巧
之妙春秋宣十年傳子文曰鬼猶求食若敖
氏之鬼不其餒而注云餒餓也襄廿年傳
甯惠子曰猶有鬼神吾有餒而已不未食矣
注亦云餒餓也吾鬼神有如餒自餓也吾而已不

來從汝享食大涅槃經云餓鬼衆生飢渴
士所逼於百千歲未曾得聞漿水之名遇
斯飢渴即除是則儒書內典饑餓一義以佛
力能轉故雜譬喻經云若一法言消須弥
山大涅槃又云恒河清流實非火也汝以巖
到相故四月十五日僧衆安居至此日限滿
以後名為自恣盆經云歡喜日僧自恣日
以百味餅食安孟蘭盆中十方自恣僧
咒願便使現在父母壽命百年无一切苦惱

之患七世父母離餓鬼苦大涅^槃又云如秋月
十五日夜清淨圓滿无諸雲翳一切衆生无
不瞻仰後品佛為阿闍世王八月愛三昧故
於此時發慙重心求轉障耳

玉燭寶典卷第七

玉燭寶典卷第八

八月仲秋第八

禮月令曰仲秋之月日在角昏牽牛中旦觜

觜乃

中鄭玄曰仲秋者日月會

於壽星而斗建酉之辰

律中南呂

仲秋氣至南呂之律

應高誘曰陽氣內藏陰

呂於陽任其成功也

盲風至鴻鴈來玄鳥歸

羣鳥養羞

盲風至疾風也玄鳥燕也歸謂去蟄也凡鳥隨陽者不以中國為居也

羞謂所食也

夏小正九月丹鳥羞白鳥說曰丹鳥也者謂丹

良也白鳥也者謂白鳥也

其謂之鳥也重其養也

有異者為鳥養者不盡食也

二者文異羣鳥丹良未

聞孰是

高誘曰羣鳥養進其先羽以禦寒也淮南

子時則云羣鳥翔高誘曰羣鳥肥盛試其

羽翼而高翔者六翮不動也

天子

居總章太廟

西堂當太室者

是月也養衰老授几杖

行糜粥飲食

助養氣也

乃命司服具飾衣裳

文繡有恒制有大小度有短長

此謂祭服也文謂畫也祭

服之制畫衣而繡裳

衣服有量必脩其故

此謂朝宴及他服也

冠帶有常

日制衣服而作之也

命有司申嚴百刑斬殺

必當毋或枉撓枉撓不當及受其殃

申重也當謂值其

罪之也乃命宰祝脩行犧牲視全具案芻豢瞻

肥瘠察物色必比類量小大視長短皆中度

五者脩當上帝其饗食

於鳥獸肥羝之時宜省羣牲也養牛羊曰豢犬豕曰豢五者謂所

視也所采也所瞻也所察也所量也王
肅曰早養曰蓄聚養曰奉之也 天子乃難以

達秋氣

此難十陽氣也陽暑至此不表害必將及人所以及人者陽氣左行此月宿直昴畢亦得

大陵積尸之氣之供則厲鬼亦隨而行於是亦命方相氏帥百餘而難之王居明堂禮曰仲秋九門磔獺以

鼓陳氣禦止疾之者耳也

以犬嘗麻先薦寢廟

麻始熟也可以

築城郭建都邑穿竇害脩囷倉

為民將入物當藏也

穿竇害者入地墮曰竇古曰害王居明堂禮仲秋命庠民畢入于室曰時斂將至毋罹其災

乃命有

司趣民收斂斂蓄菜多積聚

始為潔冬之俗者也

乃勸種麥毋或失時其有失時行罪毋疑

麥者接絕續乏之繫尤重之也

日夜分雷乃始收蟄蟲坯戶

致氣侵盛陽氣日衰水始涸

雷始收聲在地中動內物也涸益也

蟄蟲益戶謂稍小之也涸竭也此謂八月中雨氣未止而三水竭非也周語曰辰角見而雨畢天根見而水涸又曰雨畢而除道水涸而成梁辰角見九月本也天根見九月末也王居明堂礼季秋除道致梁以利農之者也

日夜分則同度量平權衡正鈞石角斗角易

開市未商旅納貨賄以便民事四方來集遠

鄉皆至則財不遺上無乏用百事乃遂易開市謂

輕其稅使民利之商旅賓客也遺亦乏遂猶成之也凡舉大事毋逆大

數必順其時慎因其類

事謂土功令諸使舉兵衆也季夏禁之孟秋始

征伐此月禁城郭季秋教田仲秋行春令秋雨

不降

卯之氣乘之也卯宿直房心々為大火

草木生榮應陽國

乃有恐

以火訖相驚

行夏令則其國乃旱蟄虫

不藏五穀復生

午之氣未之也

行冬令則風災

穀起

子之氣乘之也北風發物者也

收雷先行

先猶蚤也冬主閉藏

草

木蚤死

寒氣盛也

蔡邕中秋章句曰今歷

中秋白露節日在軒六度昏明中星去

日百五度斗廿一度中而昏泰五度中而

明盲風至

風之恠者也秦人謂暴風為

盲風也

今案淮南子八風西方曰飈風注云兌氣所生一日閭闔即此風之也

群鳥養

羞々者進食此其類也夏小正曰丹鳥
羞白鳥是月陰氣始閉故傳曰丹鳥氏司
閉也言丹鳥以是月養羞故以記閉也天
子居總章大々廟者酉上之堂又繡有
恒織成曰文刺成曰繡陽氣初胎於酉故
八月齊麥應而生也通四方之財謂之商
旅客也龜貝金玉之屬曰貨布帛魚鹽之
屬曰賄 右章句為釋月令詩鄒風曰匏
有苦葉濟有深涉

毛傳曰匏謂之瓠濟渡也
鄭賤云匏葉苦而渡虞

謂八月時陰陽交會始可以為詩豳風曰八月萑葦

毛傳曰菰為萑葦為葦又曰八月載績載玄載

黃我朱孔陽為公子裳我績然事畢而麻事

陽明祭服主衣纁裳鄭賤去元漆者春暴練夏練玄

秋漆黃為公子裳厚千其所貴為說之者

八月其獲獲禾八月剥棗剥八月斷壺勉尚

書堯典曰分命和仲宅西日昧谷安孔

目曰昧冥也日入于谷而天下冥故曰昧平秩西成

谷此居治西方之官掌秋天之政也秋西方萬物成平序宵中星虛以殷中秋

其政助成物也宵夜也春言日秋言夜互相脩也虛主武之中

星亦言七星皆以秋分日見以正三秋者也鳥獸

毛毼

蘇蔞及又星弥及毼理也毛更生整理

尚書堯典曰八月西

巡守至于西岳如初

孔安國曰西岳花山

周官天官下

曰司裘仲秋獻良裘乃行羽物

鄭玄曰良善也

仲秋鳥獸毛毼目其良時而用之鷩鷩小鳥鷩鷩之屬也

周官春官下曰

曰蒞章掌仲秋夜定寒

鄭玄曰近寒以夜求

諸陰也上有中春畫擊土鼓以送暑故云亦如之者也

周官夏官上曰

大司馬掌中秋教治兵如振旅之陣辨旗

物之用各書其事與其號焉

鄭玄曰書當為畫事也號也

皆書以雲氣為也

遂以稱田如蒐之法羅罝致禽

以祀枋

秋田為桶然也羅弊里心也秋田主用里中教者多也皆教而里心枋當為方聲之

誤秋田主祭四方報成万物之也

禮王制曰八月西巡守至于西

岳如南巡之禮周書時訓曰白露之日

鴻鴈未又五日玄鳥歸又五日群鳥養

羞鴻鴈不未遠人背畔玄鳥不歸室家

離散羣鳥不養君臣驕慢秋分之日雷

乃始收又五日蟄蛰附戶又五日水始涸雷

不始收諸侯涖休蟄蛰不附民靡有賴

水不始涸介虫為害禮夏小正曰八月剥

瓜蓄瓜之時也玄校也玄也者黑也校也者
若綠色然婦人未嫁者衣之剥棗剥也者
取也栗零也者降也零而後取之故不
言剥也丹鳥羞白鳥丹鳥者謂丹良白鳥

者謂閭蚘也

今案古今要魚經云熒火一名丹良
一名丹鳥腐草為之也今按改蚘也

其謂之鳥也重其養者也有翼者為鳥
羞也者進也不盡食也辰則伏辰也者謂
星也伏者入而不見鴛為鼠黍中則且
易通卦驗曰先西方也主秋分日入白氣出

直充此正氣也氣出右万物不生氣出左

則肅害人

鄭主曰秋分之右白露之地左寒露之地也

白露始致故使万物不生寒露氣侵盛充氣失位肅則為害之也

易通卦驗

曰白露雲氣五色精列上堂鴈祭鳥鵠

子去室鳥雌雄別

鄭主曰雲氣五色象物皆成盡氣候精列上堂始避

寒也鴈將食鳥先以祭也鵠子去室不復在耕習飛騰鳥雄雌別生學之氣止也

暑長

六尺二寸八分黃陰雲出南黑北黃

白露於離值九

三九三艮爻故北黃辰在代得氣氣乾居上故南黑也

秋分涼慘雷始收鴈

鳥鵠手立鳥歸閭闔風至

故藏鴈鳥鵠鴈之居閭闔藏万物

也之風 暑長七尺二寸四分白陰雲出南黃

北白秋分於元值初九物九衰
又為南黃猶元故北白之也 詩紀歷 樞曰

酉者老也 万物衰枝葉槁尚書考靈曜

曰仲秋日出於卯入於酉須女四度中而

昏東辟十一度中而明春秋元日命社於

酉々者老也物收殿宋均曰物壯健極
則老々則當殿 律中

南呂南呂者任紀紀法也言物皆
任法備成者也 春秋元

命苞曰金生水子為母候書曰宵中星

虛以殷仲秋宋均曰水金之子也子為母候故
水精虛當秋分金用事而昏中

以為將時之表也宵夜也謂秋分為夜者以當日入以後故之者

孝經援神契

曰秋分物類強

宋均曰強猶成

孝經援神契曰虛

○中秋分數獲禾報社

宋均曰社為土主能吐生百穀祭報其功

介雅曰八月為壯

李巡曰八月丁物成熟刑體時故曰壯也孫奕曰物實完壯而

也

尚書大傳曰秋祀柳祭花山貢雨伯之

樂焉

鄭玄曰八月西巡狩祭柳祭花氣于花山柳聚也齊人語也

秋伯之樂

舞蔡併其歌聲比小謠曰苓落

秋伯秋官士也寧陶

掌之蔡猶表併始也言物之始衰者也

和伯之樂舞立鵠其歌

聲比中謠石曰歸來

和伯和并之後玄鵠言象物得陽鳥之南也

歸來言反其本也史記律書曰南呂言陽氣之旅人

藏也淮南子時則曰仲秋之月招搖指酉

八月官尉其樹柘高誘曰尉戎官也是月治兵故

柘說木

聞也京房占曰秋分苑王昌闔風用事又

君當釋鍾鼓之縣琴瑟不御正在西方白

虎通曰八月律謂之南呂何南者任也言陽

氣尚有任生蓂莢也故陰拒之風土記曰

鳴鶴戒露注云白鶴也此鳥性徵至八月

白露降流於草葉上適々有聲即

相儆移徙所宿慮有寔害也崔寔四民月
令曰八月筮擇月節後良日祠歲時
常所奉尊神前期七日舉家母到喪家
及產乳家少長及執事者悉齋素祠
薄掃滌竈加謹潔是月也以祠秦社祠曰
薦黍豚于祖禰厥明祀冢如薦麦魚
暑小退命男童入小學如正月焉涼風
戒寒趣練絲帛染采色擘綿治絮制
新浣故及韋履賤好豫買以備隆冬栗

烈之寒是月八日可采車前實烏頭天

雄及王不留行

今案本草王不留行味甘平主治金創口血久服輕身能老增

弄二月八月採注云葉似酸漿子似松子而大黑色也

是月也可納婦

詩云

无怨秋以為期案易曰帝乙歸妹言陽嫁女易歸妹八月之時之也

可斷

蓄

甄中有實以養暗致肥其辨以燭致明者也

乾地黃作末都列

雀莘及薑芡收韭菁作擣齏

今案通俗文曰淹韭

曰壅祖

可乾葵收豆藿種大小蒜芥凡

種小大麥得白露節可種薄田

麥者陰稼也忌

以日中種之其道自然若燒黍稷則容穰者也

秋分種中田後十日

種美田唯穡早晚無常得涼燥可上角

三弩繕治繫心

今案詩小雅駉之角弓偏其及矣毛傳駉々調利不善繕

繫乃用則翩然而天也

縛徽弦遂以習射施竹木弓

及弧糴種麥及黍

木弓謂之弧音孤也今案禮內則曰男子設弧於門左注

云亦有事於武也又曰射人以桑弧蓬矢六射天地四步注云男子所有事也弧即弓之別名之

附說曰世俗八月一日戒以朱墨點小兒

額名為夭灸以厭疾也案黃帝素問

有灸經史記倉公傳灸齟齬史游急就

章云灸刺和藥趙壹荅皇甫規書云灸兩

昧瘡墮王導伏主度並有灸詩灸皆用
艾目終久矣故莊子故馬小童謂黃帝曰熱
艾宛其聚氣雄黃亦云燔金熬艾以灸其
聚氣令以點為灸直取其名又續齊諧記
弘農鄧紹八月旦入花山採藥見一童子
執五綵囊兼取栢葉上露露皆如珠滿囊
紹問何用云赤松先生取以明目言終便失
所在故今人常以八月旦作明眼囊荆楚記
則云錦綵或以金薄為之逆相餉遺案詩

載玄載黃錢朱孔陽月令文繡有恒皆在
此月或可類如剪製刀尺殘餘禮有盤草
擊然之事曰為此物耳是月白露雖濃猶
未凝房故風土記云流於草葉適々有聲每
且恒垂易為採取仙童所向便覺如珠志
恠則云囊似蓮花內有青鳥直人於俗亦
復符同後來乃以拭面云令完理柔滑寒
驗如此其祠杜盛於仲春者秋物盡盛故詩
周頌良耜云秋冬報社稷下云熟時獐牡

有角餘昨悉以貢遺里閭陳平為社宰分
宗甚均即其義也此會也擲教於神前

以教

銅為之形如小鈴教者猶如教今
擲法今一而便成吉徵也

卜來歲豐儉或折

竹筴以占之離騷云索瓊茅以筮蓍命

靈氣為余占之王逸注云楚人折竹

結草以卜謂為蓍也

字林云筮
並也大丁反

漢世賜大

臣羊酒以助衰氣月令仲秋養衰老行糜

粥飲食又云陽氣日衰故須助耳

玉燭寶典卷第八